

24. april 2017

UPA2017/110

***** NAQQIUT *****

Februaarip aappaanni ullulernerqarsimasoq taarserpaa.

Allanguutaavoq Inatsartuni ilaasortap Karl-Kristian Kruse sulinngiffeqarniarluni qinnuteqarnera peqqutigalugu, siunnersuut pineqartoq matumuuna Siumup gruppiata tigummagu

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna ingerlatippara:

Angallatit nunatsinni talittarfinnut talinnerini avalattussanngornerinilu ilanngaaserisut misissuisarnerat pillugu nukittorsaasoqassappat pisariaqartitsineq, periarfissat piunasaqaa-tillu pillugit Naalakkersuisut nalunaarusioqqullugit kingusinnerpaamik UPA2018-imi saq-qummiussassamik peqquneqarnissaannik Inatsisartut aalajangiiffigisassaattut siunnersuut.
(Siumup gruppia)

Tunggavilersuutigalugit.

Ukiuni amerliartuinnartuni nunatsinni ajornartorsiut oqallisigisarput ikiaroomartup eqquusuun-neqarnera siunissatsinnik innarliartuinnartoq allangortinneqartariaqarpoq. Meeqqat inuusuttuaqqat inuusuttullu siunissaralutigit oqariartuutiguarparput, taakkualu ilarpasui ukiukittuaraallutik allaat ikiaroomartumik atuilersarnerat siunissamat ernumanarsiartuinnartoq sakkortuumik akiortaria-qarparput.

Allaammi killiffigisatta ersarissut ilagaat hasimik atuisuunermik tunggaveqartumik eqqarsartaat-simikkut napparsimasut. Ilangaaserisut arfiniliusut ilaneqarnissaat akeqassaaq, taamaakkaluartoq tamanna akissaqarfigineqartariaqarpoq siunissarput eqqarsaatigalugu inuit innarlerneqartartut allanguingikkutta akissaqartinnaviannnginnatsigit.

Imarpikkoortaatit eqqarsaatigalugit Nuuk tulluarsoraara isaaviullunilu avalattarfiuppat tassami Sikuki harbour aamma taamaaneereermat, tassanilu pisariaqartitsineq naapertorlugu sulisussanik amerlilinnissaq pisinnaasariaqartoq avaqqunneqar-sinnaagilaq, Nuuk isaavittut atorneqarnerani ilanngaaserisut suliarissarissavaat Avataasiorlutik aalisartut tamaasa nunatsinneerpata allamiuuppataluunniit tikinneranni avalalernerannilu, amma imarpikkut assartuutit takornariartaatit nunatsinnut apuunneranni misissorneqartarnissaat.

Taamatuttaaq kujataani aamma ilanngaaserisoqarsinnaanera pingaarutilerujussuartut isigaara, ilanngullugulu pilersitsivigineqarnissaa sulisutigisariaqarnera isumaqarpunga isumaliutigi-neqassasoq. Nanortalik angallatit mikinerusut isaaviattut avalattarfiattullu, nunatta avataaniik ikaartut tingerlaataannallit nuannaariuterujussuillu motoorillit ukiuni kingullerni amerliartuinnartut sakkortunerusumik nakkutigineqartariaqarput, ikiaroomartuinnaannngitsunik misissuiffiussaaq nunatta pisuussutaanik uumaatsunik akuersissuteqarani annisseriartoqarsinnaanera ilanngullugit misissorne-qartariaqarmata. Angallatillu mikinerusut aamma tamatigorluinnaq kujataani sineriak aqqusaarlugu nunatsinnut tikittartut Nanortalik ilanngaaserisoqalerneratigit akiuiniarnitsinni qularinngilara an-nertuumik iluaqutaalissasoq.

Maannakkut ilanngaaserisuni sulisut pinginnaasamikkut pikkorilluinnartut pigisavut taamaalior-nitsigut annertuumik nukitsorsassavagut.

Pinaveersaartitsinermik suliallit suliaat annertuut tapersersoqaakka sulilu nukitorsartuassallugit pingaaruteqarpoq nunatsinni sumi najugaqarutta tamatta peqataajuarnissarput ammasumillu ilisima-saqartilluta apuussuiuarnissarput pingaaruteqarpoq, ajornartorsiut nungutsissagutsigu. Upperaara ataatsimoornitsigut annertuumik angusaqarsinnaasugut.

Nuna اساسارا inuiannik peqqissunik qitornalik siunissami najugarineqassasoq angussavarput. Oqallilluarisi.

Aningaasatigut allaffissornikkullu Namminersorlutik Oqartussanut kingunissai:

Nalunaarusiorneq naatsorsuutaavoq inuup ataatsip ukiumut suliarisinnaasaasa naatsorsorneranut A/C-tut atorfillip ukiup affaani sulisinneqarnissaannik naleqassasoq, aningaasartuutillu kr. 250.000 missaani annertussuseqassasut, suliap naammassinerani nutserneqarneri ilanngullugu.

Aningaasatigut allaffissornikkullu Namminesorlutik inussutissarsiortunut kingunissai:

Soqanngilaq

Aningaasatigut allaffissornikkullu innuttaasunut kingunissai:

Soqanngilaq